

Broj: 07-02-4-2115/23  
Mostar, 15.02.2024. godine

Primljeno: 21-02-2024			
Org. jed.	BiH	Priloga	Vrijednost
05/1-	02-	548	/24

Bosna i Hercegovina  
Federacija Bosne i Hercegovine

**PARLAMENT FEDERACIJE BOSNE I HERCEGOVINE  
PREDSTAVNIČKI/ZASTUPNIČKI DOM**

**g-din Slaven Raguž, zastupnik**

**Kabinet sekretara/Ured tajnika  
g-din Ivan Miličević, sekretar Predstavničkog/Zastupničkog doma Parlamenta  
Federacije Bosne i Hercegovine**

**SEKRETAR VLADE FEDERACIJE BOSNE I HERCEGOVINE  
g-đa Edita Kalajdžić, sekretar**

**PREDMET:** Odgovor na poslaničku inicijativu, dostavlja se -  
**VEZA:** Akt broj: 05/1-02-548/23 od 22.12.2023. godine

Povodom akta Vlade Federacije Bosne i Hercegovine, broj: 03-04-1540-9/23 od 27.12.2023. godine, kojim je Federalnom ministarstvu energije, rudarstva i industrije dostavljena na nadležno postupanje poslanička inicijativa uvaženog zastupnika Slavena Raguža podnesena na nastavku 4. redovne sjednice Predstavničkog doma Parlamenta Federacije Bosne i Hercegovine održane 21.12.2023. godine, koje se odnosilo na dostavljanje Inicijative u kojoj je navedeno: „Sukladno zaključcima Parlamenta Federacije Bosne i Hercegovine u Proračunu za 2024. godinu uvrstiti sredstva za deblokiranje rada Agencije za privatizaciju i dogovor s potražiteljima dugovanja na osnovu presude po kojoj je blokiran rad Agencije“, sa obrazloženjem, ovim putem Vas obavještavamo o sljedećem.

Vlada Federacije Bosne i Hercegovine je na 24. sjednici održanoj 29.12.2023. godine donijela Odluku o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2023. godinu Federalnom ministarstvu energije, rudarstva i industrije „Tekući transferi i drugi tekući rashodi-Tekući transferi neprofitnim organizacijama -Transfer Agenciji za privatizaciju u Federaciji Bosne i Hercegovine za pokriće viška rashoda nad prihodima iz prethodnih godina i obezbjeđenja tekuće likvidnosti“, V. broj: 2068/2023 od 29.12.2023. godine (“Službene novine Federacije BiH“, broj 1/24) i Odluku o davanju prethodna saglasnosti za

zaključivanje Ugovora o dodjeli grant sredstava, V. broj: 2045/2023 od 29.12.2023. godine ("Službene novine Federacije BiH", broj 1/24).

Na osnovu naprijed navedenog, dana 29.12.2023. godine potpisan je Ugovor o dodjeli grant sredstava između Federalnog ministarstva energije, rudarstva i industrije i Agencije za privatizaciju u Federaciji Bosne i Hercegovine, kojim je definisano da se izvrši prenos sredstava na račun Korisnika u ukupnom iznosu od 1.800.000,00 KM. Novčana sredstva su raspoređena na način da je izvršeno plaćanje po rješenjima Poreske uprave Federacije BiH u iznosu od 320.938,48 KM, zatim uplata tražiocu izvršenja SA DAGITIM d.o.o. Kreševo u iznosu od 1.000.000,00 KM u cilju deblokade računa Agencije za privatizaciju u Federaciji Bosne i Hercegovine zaključno sa 30.04.2024. godine, te ostatak sredstava u iznosu od 479.061,52 KM za isplate plaća zaposlenika za period april - oktobar 2022. godine, plaćanje ostalih obaveza Agencije za privatizaciju u Federaciji Bosne i Hercegovine i Rješenja o izvršenju.


Na dan sačinjavanja ovog akta, realizovane su sve naprijed navedene aktivnosti po Ugovoru o dodjeli grant sredstava. Federalni ministar energije, rudarstva i industrije formirao je Rješenjem broj: 07-11-1-1843/23 od 08.02.2024. godine Komisiju za kontrolu namjenskog utroška sredstava, čija je obaveza da sačiniti konačni izvještaj o namjenskom utrošku sredstava do 28.02.2024. godine i putem Ministarstva dostavi na razmatranje i usvajanje Vladi Federacije Bosne i Hercegovine.

U skladu sa tačkom 4. Zaključka Vlade Federacije Bosne i Hercegovine V. broj: 2067/2023 od 29.12.2023. godine, kojim je definisano da se zadužuje Federalno ministarstvo energije, rudarstva i industrije da planira sredstva u Budžetu Federacije Bosne i Hercegovine za razdoblje 2024.-2026. godine u iznosu od 2.762.962,71 KM godišnje za izmirenje preostalih obaveza Tražiocu izvršenja po rješenju o izvršenju broj: 65 0 Ip 829044 20 Ip od 10.02.2020. godine na osnovu Presude Vrhovnog suda Federacije Bosne i Hercegovine broj: 06109319 rev od 15.12.2019. godine i 1.200.000,00 KM za tekuće poslovanje Agencije za privatizaciju u Federaciji Bosne i Hercegovine u 2024. godini, Federalno ministarstvo energije, rudarstva i industrije dostavilo je finansijski zahtjev za sredstvima u Budžetu Federacije Bosne i Hercegovine period 2024.-2026. godine.

Parlament Federacije Bosne i Hercegovine je donio Ukaz o proglašenju Budžeta Federacije Bosne i Hercegovine za 2024. godinu („Službene novine Federacije BiH“, broj 7/24), kojim je na razdjelu 17. Federalno ministarstvo energije, rudarstva i industrije odobreno na ekonomskom kodu 6143-Tekući transferi neprofitnim organizacijama-Transfer Agenciji za privatizaciju u Federaciji BiH za izmirenje preostalih obaveza na osnovu Presude Vrhovnog suda Federaciji BiH u iznosu od 2.762.963,00 KM i Tekući transferi neprofitnim organizacijama -Transfer Agencija za privatizaciju u Federaciji BiH za pokriće viška rashoda nad prihodima iz prethodnih godina i obezbjeđenje tekuće likvidnosti u iznosu od 800.000,00 KM.

U narednom periodu, u skladu sa Zakonom o izvršenju Budžeta Federacije Bosne i Hercegovine za 2024. godinu, Federalno ministarstvo energije, rudarstva i industrije pripremit će programe utroška sredstava, koji će biti dostavljeni na razmatranje i usvajanje Vladi Federacije Bosne i Hercegovine.

S poštovanjem,

**MINISTAR**  
Vedran Lakić

**Dostavljeno:**

- naslovu,
- evidenciji,
- a/a.